



O'ZBEKISTON RESPUBLIKASI
ADLIYA VAZIRLIGIDA
DAVLAT RO'YXATIDAN O'TKAZILDI
RO'YXAT RAQAMI: 2558-4
2025 - yil 11 - Dekabr

O'ZBEKISTON RESPUBLIKASI VAZIRLAR MAHKAMASI HUZURIDAGI SANOAT, RADIATSIYA VA YADRO XAVFSIZLIGI QO'MITASINING QARORI

Xavfli ishlab chiqarish obyektlaridagi avariyalarni texnik jihatdan tekshirish tartibi to'g'risidagi nizomga o'zgartirishlar kiritish haqida

O'zbekiston Respublikasi Prezidentining 2024-yil 24-maydagi PF-79-son "Yer qa'ridan foydalanish, sanoat, radiatsiya va yadro xavfsizligi hamda atom energiyasidan foydalanish sohalarida davlat boshqaruvi va nazorati tizimini takomillashtirish chora-tadbirlari to'g'risida"gi hamda 2024-yil 24-maydagi PQ-187-son "Tog'-kon sanoati va geologiya vazirligi huzuridagi Tog'-kon sanoati va geologiya sohasini nazorat qilish inspeksiyasi faoliyatini samarali tashkil etish chora-tadbirlari to'g'risida"gi qaroriga muvofiq O'zbekiston Respublikasi Vazirlar Mahkamasi huzuridagi Sanoat, radiatsiya va yadro xavfsizligi qo'mitasi **qaror qiladi:**

1. O'zbekiston Respublikasi Vazirlar Mahkamasi huzuridagi Yer qa'rini geologik o'rganish, sanoatda, konchilikda va kommunal-maishiy sektorda ishlarning bexatar olib borilishini nazorat qilish davlat inspeksiyasi boshlig'ining 2014-yil 9-yanvardagi 5-son buyrug'i (ro'yxat raqami 2558, 2014-yil 3-fevral) (O'zbekiston Respublikasi qonun hujjatlari to'plami, 2014-y., 6-son, 69-modda) bilan tasdiqlangan Xavfli ishlab chiqarish obyektlaridagi avariyalarni texnik jihatdan tekshirish tartibi to'g'risidagi nizomga **itovaga** muvofiq o'zgartirishlar kiritilsin.

2. Mazkur qaror O'zbekiston Respublikasi Favqulodda vaziyatlar vazirligi, Ichki ishlar vazirligi, Kambag'allikni qisqartirish va bandlik vazirligi, Tog'-kon sanoati va geologiya vazirligi hamda O'zbekiston Savdo-sanoat palatasi bilan kelishilgan.

3. Mazkur qaror rasmiy e'lon qilingan kundan e'tiboran kuchga kiradi.

Qo'mita raisi
01-Dekabr 2025-yil
27 son



RAFIQOV ABDUVAQQOS
VOHIDOVICH

Kelishildi:

Vazir
19-Noyabr 2025-yil



ISLAMOV BOBIR
FARXADOVICH

Vazir
17-Noyabr 2025-yil



TASHPULATOV AZIZ
ANVAROVICH

Vazir
14-Noyabr 2025-yil



ZAXIDOV BOTIR
ERKINOVICH

Rais
04-Noyabr 2025-yil



VAXABOV DAVRON
ABDUJALALOVICH

Vazir
30-Oktabr 2025-yil



KUDRATXODJAYEV BOTIR
BAXROMOVICH

O‘zbekiston Respublikasi Vazirlar Mahkamasi huzuridagi
Sanoat, radiatsiya va yadro xavfsizligi qo‘mitasining
2025-yil 1-dekabrda 27-son qaroriga
ILOVA

**Xavfli ishlab chiqarish obyektlaridagi avariylarni texnik jihatdan
tekshirish tartibi to‘g‘risidagi nizomga kiritilayotgan o‘zgartirishlar**

1. 3-bandning beshinch xatboshisi quyidagi tahrirda bayon etilsin:

“O‘zbekiston Respublikasi Vazirlar Mahkamasi huzuridagi Sanoat, radiatsiya va yadro xavfsizligi qo‘mitasi va uning hududiy boshqarmalarini, Tog‘-kon sanoati va geologiya vazirligi huzuridagi Tog‘-kon sanoati va geologiya sohasini nazorat qilish inspeksiyasini, sanoat xavfsizligi sohasida ayrim vakolatlarga ega bo‘lgan boshqa davlat organlarini (Qoraqalpog‘iston Respublikasi favqulodda vaziyatlar boshqarmasi, Toshkent shahri va Toshkent viloyati favqulodda vaziyatlar bosh boshqarmalari, viloyatlar favqulodda vaziyatlar boshqarmalari, qutqaruv xizmatlari va boshqalar), mahalliy davlat hokimiyati organlarini, shuningdek fuqarolarning o‘zini o‘zi boshqarish organlari va aholini xavfli ishlab chiqarish obyektidagi avariya to‘g‘risida o‘z vaqtida belgilangan tartibda xabardor qilishi;”.

2. 6-band quyidagi tahrirda bayon etilsin:

“6. Xavfli ishlab chiqarish obyektidagi avariya sabablarini texnik jihatdan tekshirish tegishliligi bo‘yicha O‘zbekiston Respublikasi Vazirlar Mahkamasi huzuridagi Sanoat, radiatsiya va yadro xavfsizligi qo‘mitasi raisining yoki Tog‘-kon sanoati va geologiya vazirligi huzuridagi Tog‘-kon sanoati va geologiya sohasini nazorat qilish inspeksiyasi boshlig‘ining buyrug‘i bilan tashkil etiladigan va Qo‘mita yoki Tog‘-kon sanoati va geologiya sohasini nazorat qilish inspeksiyasi vakili boshchilik qiladigan Xavfli ishlab chiqarish obyektidagi avariya sabablarini texnik jihatdan tekshiruvchi komissiya (bundan buyon matnda Komissiya deb yuritiladi) tomonidan amalga oshiriladi.”.

3. 10-band quyidagi tahrirda bayon etilsin:

“10. Avariyaning texnik jihatdan tekshirish muddati xavfli ishlab chiqarish obyektidagi avariya sabablarini texnik jihatdan tekshirish bo‘yicha tegishli buyruq qabul qilingan kundan boshlab 15 kundan oshmasligi lozim. Yuz bergan avariyaning qo‘shimcha ravishda

o‘rganish talab etilgan hollarda, texnik jihatdan tekshirish muddati Komissiya raisining asoslantirilgan yozma murojaatiga asosan tegishliligi bo‘yicha O‘zbekiston Respublikasi Vazirlar Mahkamasi huzuridagi Sanoat, radiatsiya va yadro xavfsizligi qo‘mitasi raisi yoki Tog‘-kon sanoati va geologiya vazirligi huzuridagi Tog‘-kon sanoati va geologiya sohasini nazorat qilish inspeksiyasi boshlig‘i tomonidan tekshirish muddati qo‘shimcha ravishda 15 kungacha uzaytirilishi mumkin.”.